
ТУРКИЙ ТИЛЛИ ДАВЛАТЛАР ҲАМКОРЛИК КЕНГАШИ МАМЛАКАТЛАРИ ТУРИЗМ ВАЗИРЛАРИ ҚЎҚОНГА КЕЛИШМОҚДА

23-24 июнь кунлари Қўқон шаҳрида Туркий кенгаш туризм масалалари вазирларининг VI йиғилиши ва Туризм бўйича ишчи гуруҳнинг XV йиғилиши бўлиб ўтади.

Ушбу тадбирларда иштирок этиш учун келган Туркиянинг туризм вазирлиги делегацияси аъзолари бугун, 22 июнь куни Фарғона халқаро аэропортида вилоят туризм ва спорт бош бошқармаси вакиллари томонидан кутиб олинди.

Қўқон шаҳри мезбонлик қиладиган йиғилишда Кенгашга аъзо давлатларда туризм соҳасининг пандемиядан кейинги тикланиши, “Табаррук зиёрат” лойиҳасини амалга ошириш, Қўқон шаҳрини “Замонавий ипак йўли” дастурига киритиш ҳамда аъзо давлатларнинг йирик шаҳарлари ўртасида халқаро авиарейсларни тиклаш каби муҳим масалалар муҳокама қилиниши кутилмоқда.

Шу билан бирга, хорижий иштирокчилар туризм соҳасидаги истиқболли лойиҳалар, зиёрат туризми имкониятлари, Фарғона вилоятининг ҳунармандчилик, экотуризм ва гастрономик салоҳияти билан таништирилади.

Бугундан Туркий тилли давлатлар ҳамкорлик кенгашига аъзо давлатлар делегациялари вакиллари Фарғонага етиб келишни бошладилар.

Маълумот ўрнида айтиш мумкинки, Ўзбекистон Президенти томонидан 2019-2020 йилларда Туркий тилли давлатлар ҳамкорлик кенгаши саммитлари доирасида илгари сурилган ташаббусларни амалга ошириш ҳамда ташкилот доирасида туризм соҳадаги ҳамкорлик алоқаларини янада мустаҳкамлаш бўйича тизимли ишлар амалга оширилмоқда. Жумладан, Хива, Бухоро, Самарқанд ва Тошкент шаҳарлари Туркий кенгаш доирасида амалга оширилаётган «Modern Silk Road» қўшма туризм маршрути лойиҳасига киритилиши таъминланди.

[Бизни ижтимоий тармоқларда кузатинг Facebook,](#)
2021-06-22 18:44:35